



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Acta Gestaque cum Caeremoniis servatis in Synodo Maiori Osnabrvensi,
vigesimâ octavâ Martii, anno millesimo, sexcentesimo, vigesimo & octavo

...

urn:nbn:de:hbz:466:1-14298

ACTA GESTAQVE
cum Cæremoniis servatis in
SYNODO MAIORI
OSNABRUGENSI,

vigesimâ octavâ Martii, anno millesimo,
sexcentesimo, vigesimo & octavo;

P R A E S I D E N T E

Reverendissimo & Illustrissimo Principe ac Domino

D. FRANCISCO GVILIELMO,

Dei & Apostolicæ Sedis gratia,

E P I S C O P O E C C L E S I A E

O S N A B R U G E N S I S ,

P R A E P O S I T O R A T I S B O N E N S I ,

C O M I T E D E W A R T E N B E R G ,

D O M I N O I N W A L D T , &c.



Eria admodum est com-
monitio, & severa ma-
gni gentium Doctoris
Apostoli Pauli obtestatio : 1 Attendez vobis
& universo gregi , in
quo vos Spiritus sanctus
posuit Episcopos, rege-
re Eccleiam Dei, quam

acquisivit sanguine suo. Quam, ea qua oportuit consideratione, cum animo suo Reverendissimus atque Illustrissimus Princeps ac Dominus D. Franciscus Guilielmus, Episcopus Osnabrugensis, Ratisbonensis Praepositus, Comes de Wartenberg, Dominus in Waldt, &c. religiose suppitanus ; munera sui atque officii esse ratus est, crediti sibi à Deo gregis, commissarumque Ecclesiae Osnabrugensis ovicula-
rum, boni instar fidique Pastoris, non minori studio quam caritate satagere. cumque non ignoraret, ex sacro Ezechielis Prophetæ ora-
culo , 2 consolidandum sibi quod infirmum, sanandum quod ægrotum , alligandum quod confractum, reducendum quod abjectum, re-
quireendum quod perditum , pervagilandum

denique tanquam rationem pro animabus omnium Deo reddituro ; omni animi conten-
tione viribusque in id incubuit.

Opportunissimum itaque & maxime nec-
esarium, ad persanandam gregis sui scabiem, ad
conservandam fidei veræ integratatem sinceri-
tatemque, ad profligandam hæresin , morbo-
rum omnium procreaticem, ad reformandos
Cleri mores, defectusque corrigendos, ad di-
judicandas lites componendasque controver-
sias, ad statum denique Ecclesiae totius instau-
randum, visum est remedium, Synodi convo-
catio. quod non duntaxat suo exemplo do-
cuerunt Christi Domini nostri , Principis
omnium Pastorum, & Episcopi animarum no-
strarum, Apostoli , Concilio primo, Hierosolymis celebrato, quos deinde magno consensu
ac fructu , gloriose Ecclesiae Praesides fecuti
sunt ; sed sacri etiam Canones & Oecumeni-
cae Synodi Tridentinæ Decreta præscripe-
runt. idque eo citius adhibendum esse duxit,
quo majus in mora periculum, & nocentior in
morbis chronicis cunctatio , quoque vel ne-
ligentius vel rarius in Diœcepsi sua Synodos
convocatas esse meminerat. Imitatus itaque

A com-

communem Episcoporum consuetudinem, & fecutus recens Illusterrimi & Reverendissimi Antecessoris sui Cardinalis Zollerani exemplum, inter ipsa inaugurationis sua primordia, difficillimus licet perturbatissimumque hujus Patriae temporibus, Reverendissima & Illustrissima sua Celsitudo, ad majorē Dei gloriam, Religionisque avitæ & Fidei Catholice incremeutum, ad Ordinis Ecclesiastici reformationem, Synodum, non quidem ut haec tenus consuetam, sed generalem, qualis ab hominum memoria celebrata non fuit, in dixit.

Eo consilio conscriptæ sunt de more, amandataeque per Diœcesin universam, atque adeo etiam ad alias Satrapias & loca, sub territoriis aliorum Principum & Magnatum sita, litteræ Episcopales, quibus omnes & singuli, Iurisdictioni spirituali Episcopi Osnabrugensis, de jure aut consuetudine, quovis modo subjecti essent, ad Synodum evocabantur; quod eo faciendum fuit studiosius, quo Principes quidam Acatholici, atque capropter ad

gubernationem hujus Ecclesiæ inhabiles, in celebrandis Synodis, in citandis Parochis sibi subditis, negligentiores, quoque callidius aliqui Iurisdictionis sacræ jugum, vel Euangelicæ libertatis prætensiæ vel alio quovis prætextu quæsito, excutere conati sunt. Ad tabiliendam itaque Iurisdictionem juraque Ecclesiæ sua, veteremque consuetudinem afferendam, Litteræ eæ quæ sequuntur, per Tabelliones, Parochis atque animarum Curatoribus, cæteroque Clero, fide bona exhibitæ, atque acceptatae, ad valvas etiam Ecclesiarum passim in oppidis pagisque affixæ sunt; quod idem in Cathedrali, Collegiata Sancti Ioannis, Parochialibus Sanctæ Mariæ Virginis, & Sanctæ Catharinae Virginis Martyris, Ecclesiis in Vrbe Episcopali, cæterisque per Diœcesin Parochiis, solemni ritu observatum est; pauculis solum locis exceptis, ad quæ aditum, & publicam literarum propositionem insinuationemque, vel aperta Hæresis professio, vel iustus periculorum gravium metus, interclusus debat.

FRANCISCVS GVLIELMVS,
Dei & Apostolicæ Sædis gratia,
S. ECCLESIÆ OSNABRUGENSIS
EPISCOPV S,
PRÆPOSITVS RATISBONENSIS,
COMES DE WARTENBERG,
DOMINVS IN WALDT, &c.



Enerabilibus, Religiosis, Honorabilibus, Nobis in Christo sincere dilectis atque devotis, Ecclesiæ Nostræ Cathedralis Præposito, Decano, & Capitulo, Abbat. & Præpositis Regularibus, Commendatoriis, Præpositis, Decanis, & Capitulis Collegatarum Ecclesiarum, Prioribus, Guardianis, Parochialium & aliarum Ecclesiarum Rectoribus, Pastoribus, Plebanis, eorum Vicariis, Capellanis, Clericis, & Beneficiatis, Monasteriorum Sanctimonialium Abbatis, Priorissis, Magistris, Matribus, earum depu-

tatis Commissariis, seu Confessariis, aliisque Ecclesiasticis, tam Regularibus quam Secularibus quibuscumque, per Diœcesin nostram Osnabrugensem ubilibet constitutis, sive exemptis, sive in Diœcesi & Provincia nostra Osnabrugensi constitutis, sive alias Ordinariæ & Diœcesanæ nostræ Iurisdictioni subjectis, qui, de antiquo jure & consuetudine, Synodo Diœcesanæ interessè debent & tenentur, Salutem in Domino sempiternam.

Episcopalis Officii nostri ratio postulat, ut quanto gravioribus malis & hærefibus laborantem Dei Ecclesiam conspicimus, tanto majori studio atque vigilancia in eam, quam ex alto Nobis traditam & commendatam suscepimus, functionem incumbamus, ut gregi nostro